



Broj: 03-04-04-41755-1/22
Sarajevo, 28.11.2022. godine

GRAD SARAJEVO
Hamdije Kreševljakovića 3,
71 000 Sarajevo,
gđa Benjamina Karić, gradonačelnica

PREDMET: Odgovor, dostavlja se –
VEZA: Vaš akt, broj: 01/04-04-6245-1/22 od 16.11.2022. godine

Ministarstvo pravde i uprave Kantona Sarajevo, zaprimilo je Vaš akt, broj i datum gornji, koji ste dostavili shodno aktu ovog ministarstva u kojem se od vas traži da jasnije definišete Vaš upit koji se tiče primjene Zakona o plaćama i naknadama u organima vlasti Federacije Bosne i Hercegovine ("Službene novine Federacije Bosne i Hercegovine", br. 45/19, 111/12 i 20/17), a koji je ovom ministarstvu prosljedilo Federalno ministarstvo pravde.

U navedenom aktu ste naveli da je Grad Sarajevo u postupku izrade Odluke o platama i naknadama u organima Grada Sarajeva, da je otežana dosljedna primjena čl. 20. i 21. Zakona o plaćama i naknadama u organima vlasti Federacije Bosne i Hercegovine kako to propisuje član 60. istog Zakona, dalje ste se osvrnuli na konkretna radna mjesta u vezi sa navedenom problematikom i od ovog ministarstva tražite uputu za postupanje.

S tim u vezi, ovo ministarstvo dostavlja sljedeći odgovor:

Plaće i naknade u organima vlasti u Kantonu Sarajevo utvrđene su u Zakonu o plaćama i naknadama u organima vlasti Kantona Sarajevo ("Službene novine Kantona Sarajevo", br. 5/19 i 40/22), koji je donesen shodno odredbama čl. 60. st. (1) i (2) i 63. Zakona o plaćama i naknadama u organima vlasti Federacije Bosne i Hercegovine ("Službene novine Federacije Bosne i Hercegovine", br. 45/10, 111/12 i 20/17) (u daljem tekstu: Zakon). Platni razredi i koeficijenti za državne službenike utvrđeni su u članu 18. Zakona o plaćama i naknadama u organima vlasti u Kantonu Sarajevo za državne službenike odnosno članu 19. za namještenike a osnovna plaća se utvrđuje prema članu 6. istog Zakona. Navedeni platni razredi odnosno koeficijenti utvrđeni su u odnosu na postojeće kategorije državnih službenika odnosno namještenika u organima državne službe u Kantonu Sarajevo, uz poštivanje načela za utvrđivanje visine plaća shodno članu 3. Zakona, kao i člana 60. stav (3) istog Zakona u kojem je propisano da će kantoni prilikom utvrđivanja propisati iste koeficijente za ista radna mjesta u okviru istih platnih razreda za državne službenike i namještenike u skladu sa odredbama čl. 20. i 21. ovog Zakona.

Svakako da navedeni članovi ne znače dosljednu primjenu Zakona u kantonalnom Zakonu o plaćama i naknadama u organima vlasti ako uzmemo u obzir da u organima državne službe Kantona Sarajevo ne postoje rukovodeći državni službenici kao što je to slučaj u Federaciji Bosne i Hercegovine, kao i da su primjera radi sekretar Vlade Kantona Sarajevo i sekretar Skupštine



Kantona Sarajevo utvrđeni kao rukovodioci stručne i druge službe koju obrazuje Vlada, Gradonačelnik ili načelnik shodno članu 10. stav (1) tačka a) Zakona o državnoj službi u Kantonu Sarajevo ("Službene novine Kantona Sarajevo", br. 31/16 i 45/19). Utvrđivanje platnih razreda i koeficijenta zaposlenih u organima vlasti kantona, općina i gradova uveliko ovisi od same organizacije organa državne službe, što je svakako jedan od razloga donošenja zakona o plaćama i naknadama na nivou kantona, odnosno odluke o plaćama i naknadama općina i gradova.

Napominjemo da ovo ministarstvo nije ovlašteno tumačiti niti davati mišljenja o primjeni Zakona o plaćama i naknadama u organima vlasti Federacije Bosne i Hercegovine, s obzirom da se radi o propisu višeg nivoa vlasti (Federacije Bosne i Hercegovine), kao ni cijeniti i utvrđivati platne razrede i koeficijente u Gradu Sarajevo, s obzirom da je Grad Sarajevo kao jedinica lokalne samouprave poseban organ državne službe kao i da je u članu 60. Zakona propisano da će koeficijenti i platni razredi zaposlenih u organima vlasti grada, biti utvrđeni odlukom gradskog vijeća o plaćama i naknadama zaposlenih u gradskim organima vlasti.

Na osnovu svega navedenog, ovo ministarstvo kao primjer dobre prakse može sugerisati da se prilikom izrade Odluke o platama i naknadama u organima Grada Sarajeva, rukovodite platnim razredima i koeficijentima utvrđenim u Zakonu o plaćama i naknadama u organima vlasti Kantona Sarajevo.

S poštovanjem,

Dostaviti:
1. Naslovu;
2. a/a.

MINISTRIČA
Đarja Šoftić Kadenić



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-083, Fax: + 387 (0) 33 562-241
Web: <http://mpu.ks.gov.ba>, E-mail: mpu@mpu.ks.gov.ba